

當

匪

細

錄

卷緒
己丑
七月
開雕

叙

廣西自道光二十七年土匪紛起南太泗鎮四府道路阻隔者將及十年弱肉強食不獨流賊土賊卽團練亦賊居民亦賊到處裹脅轉徙無定乘虛竄擾擊散復聚或旋起旋滅或附外匪大股是爲流賊逼脅村民招納亡命負隅抗拒少或數十人多至數百人數千人者爲土賊始爲團終爲賊陽名爲團陰實爲賊官兵強則附官兵弱則跋扈不聽徵調其所爲有甚於賊者每鄉團中若有數等居民之黠者出貲招募使心腹者數人統之無頭目姓名但稱某堂已則

置身局外先議劫掠之所至而瓜分其所得劫後卽散匿或遇官兵團練擊之而後散無一定主名外匪至則供給其所食藉以保其家且欲緒餘其所劫掠然有竟爲外匪所奪而滅者是爲米飯主卽堂匪也其初起於南太泗鎮咸豐四五年後潯柳梧平皆效之自洪秀全創謀蓄髮流賊土賊亦多蓄髮欲其不易散也堂匪不蓄髮易趨避也間有流賊土賊亦取堂名者易裹脅也其姓名堂名有已見於股匪錄中事蹟或畧並有事後經各地方官稟列者於諸股匪後作堂匪記

堂匪總錄目錄

桂林府

柳州府

慶遠府

思恩府

泗城府

平樂府

梧州府

鬱林直隸州

潯州府

南寧府

太平府

鎮安府

堂匪總錄卷一

桂林府屬堂匪 土匪外匪附

三義堂

咸豐四年三月由永寧鳳凰墟繞至穿石

義勝堂

咸豐四年三月聚二千餘人由永寧中渡竄三陞至
坳土分股出融縣沙頂合土匪龐姓

忠義堂 聚義堂

咸豐四年三月二堂合股踞永寧村堡里

和義堂 仁義堂 懷義堂

匪首謝亞頭譚亞頭何亞頭咸豐四年四月共三千餘人攻永寧州城頭裏紅巾赤身露體備極恠異旋被擊退

大勝堂

咸豐四年四月二千餘人由永福蘇橋竄臨桂陽塘墟旋分爲二一竄臨桂一竄義寧東西坂村

結義堂 忠義堂

匪首林四

門村人

王得寬

田聊人

咸豐四年七月踞永福

黃茅山尾守備陶昌培擊散

洪義堂

王大保永福人咸豐四年閏七月千餘人由永福竄雒容爲知縣楊毓麟擒殺

順義堂

匪首向興發咸豐四年八月踞葡萄墟散入橫山堡情義堂

匪首李亞頭咸豐四年八月踞大水田旋散

德義堂 盛義堂 聯義堂

匪首陳亞益咸豐四年八月二千餘人竄馬嶺遇龍橋十二月竄興安海洋坪果勇擊散

仁義堂

賊皆紅巾咸豐四年十一月五千餘人由臨桂大墟竄靈川四都五都總兵王海清擊歸陽朔招撫爲團
安義堂 由義堂

五排股匪來長管咸豐四年 月在龍路等村爲官兵所敗有由義堂號片竄入四排把總蔣俊馭擊散
廣勝堂

匪首白彪周聶子咸豐四年 月踞義寧七都六都殺武生康肇元旋投誠

公義堂

咸豐五年十一月由灌陽竄定崗隘遁入湖南永明

旋散

連義堂

匪首劉開運

固義堂 廣義堂

咸豐五年三月由灌陽竄入恭城

陽三通

湖南人咸豐二年九月在全州五排立孝義會頭目
三十六人以彪彪彪彪彪五字爲號委員太平府知
府顧諧庚平之

黃駱益

陽朔縣人咸豐三年六月在羊角山拜臺起旗忠保團長黎佩璇擒殺

黃老十

興安縣人咸豐三年十一月從湖南人老吳糾人拜會有木圖記三方一刻太平通報一刻心平氣和入會者各給白布小旗爲記興安縣知縣周謙光平之楊道士

永福縣人咸豐四年正月竄永寧之古底喇哈爲團練所殺

宋三

永福縣人咸豐四年三月收楊道士餘黨劫吉良里之桂林堡被殺

古山信

永福縣寨沙人咸豐四年四月與劉亞益劉大四破陷修仁縣城

何五四 羅四

永福縣人咸豐四年四月何五四出香橋入寨沙鹿寨分入中渡羅四由二排及馬村峯永福縣知縣鳳貴擊退

劉紹和

灌陽縣名官屯人與紹連紹琪等咸豐四年五月充
朱勝決百長隨攻恭城五年七月隨何登光在全州
投誠七年二月至灌陽邀碼赴全州接應何登光事
泄匿入恭城被獲伏誅又劉嗣杰四年入陳永秀台
股

盧米順

永福先鋒寨人咸豐四年閏七月聚黨三千餘人僞
先鋒盧法公權統之隨李昭然入雒谷被擒

莫芝蘭

卽莫三切脚臨桂縣油麻墟人入永福忠義堂李十

一千爲頭目咸豐四年六月潛入永寧臨桂境內聚千餘人爲團總黃培元所擒

張長腳五

臨桂人咸豐四年八月在六塘李家村老山峽結棚署桂林府招敬常把總韓鳳攻之敗竄茶山由廣華至良豐入會仙墟竹子坡

林四

全州西延閭村人咸豐四年八月踞翠屏及楓木寨

蔣宏標

灌陽縣人咸豐四年八月在二塘中礮死

扶添啟

西延楓木山人咸豐四年九月在松山嶺起旗稱太平中營全州知州蘇鳳文勦平

周夢祥

一名周維新咸豐四年九月爲白彪周聶子運糧後充莫福綏軍師九年正月投誠復叛署義甯縣王俊臣誅之

李十六

義甯縣人咸豐四年九月竄臨桂十月竄兩江墟茶洞易服入義甯城中大掠署知縣劉澧擊之散入油

麻墟及厄江里

蔣大騫

湖南東安縣人咸豐五年五月充吳廷文軍師破東安縣城楚兵擊敗匿入全州糾結土匪知州蘇鳳文飭吏目曾行恭縛解湖南

彭添祥

彭亞福

永福寨沙人咸豐五年八月突至修仁四排二千餘人下竄寺村旋散

蔣邦大

蔣邦大馬十六唐永成皆全州人陽德高楊七仔臨